






15036

III

P








Z B I O R druków procesowych z XVIII. i XIX. w.

Tom II.

Nr. ^{1.} Elsner i Wisogierdowie r.1782.	szt. 1.
" 2. Froelichowie r.1799.	" 3.
" 3. Goldynga r. 1765.	" 2.
" 4. Grabowski i Sieheń etc r,1799.	" 1.
" 5. Grabowscy r. 1799.	" 2.
" 6. de Grothuz i Piotr Książę kurlandz.r.1779	" 1.
" 7. Grużyński i Podberescy r. 1799.	" 3.
" 8. Haudring i Klüchzner r. 1779.	" 3.
" 9. Haudringowie i Platerowie r. 1780.	" 2.
" 10. Janowicz i Chodakowscy r. 1799.	" 1.
" 11. Izraelowicz i Radowicki r. 1799.	" 2.
" 12. Hryniewicz r. 1774.	" 1.
" 13. Jezuici toruń. i Magistrat toruń. r. 1724.	" 3.
" 14. Jasna Góra i Kłobuck r. 1790.	" 2.
" 15. Jocz i Downarowicz r. 1800.	" 1.
" 16. Kaczanowska i Brzozowski 1799.	" 1.
" 17. Kalenkiewicz r. 1760.	" 1.



Inductio quasi Juridica Causæ.

13a

Seu Antithetica Confrontatio & Comparatio Partium colligantium; nobilis Magistratus, Populi que Thorunensis (etiam ex confesso & scripto oreque proprio) ab una, & P. P. Jesuitarum Studiosorumque eorundem, ab altera; Super tumultuaria ab iisdem Thorunensibus Dissidentibus, Scholarum devastatione, Collegii depradatione; & super omnia, Personarum, Locorumque Sacrorum Violatione; Capellarum profanatione; Altarium everfione, Imaginis CHRISTI Domini, Matrisque Ejus, ac Sanctorum concisione, laceratione, conculcatione, ac demum Sacrilega, in platea publica, combustione. d. 17. Julii 1724.

Prima est Comparatio utriusque Partis, Substantiæ rei & Causæ Facti, ab utraque utramque adversa Parte innegabilis, & utro confessi. Porro duæ hæc sunt ab utrinque Partes Principales, scilicet nobilis Magistratus, & P. P. Jesuitæ. Duæ pariter partes utrique Subalternæ, seu secundariæ, scilicet Populus & Gymnasistæ Thorunenses, & Studiosi Jesuitici Catholicique. Jam ergo certa & evidens est Substantia Facti ab una Parte Principali, scilicet à Magistratu, quam in sua relatione fatetur, sed neque negare potest. Quod scilicet, sicut & ante frequentissimè, Studiosos & Catholicos omnes, quocunque de industria prætextu quæsito, & novissimè ante, Studiosum nobilem, etiam ab illis ipsis postea innocentem agnitum, seminudum per capillos raptum, perque gradus protrusum, publico Carceri includi jusserint &c. De qua violentia, exstat juridica Cognatorum nobilium protestatio, in Castro Bidgostiensis. Sed his interea omisfis; quod immediate ad præsentem causam spectat, pariter in Confesso est: Quod idem Magistratus, Studiosum, qui galeæ Lutheranæ cupiam, Processionem cum Venerabili irreverenter irridenti &c. deposuerat; jusserit, contra Jura Scholastica, imò & Regni, & Gentium; sine ulla prævia, (ad quos de jure) P. P. Jesuitarum, circa satisfactionem si quid esset læsionis, requisitione; jusserit inquam, & quidem non primo impetu, (quod pronius erat) nec in flagranti, sed quasi præmeditata vindictâ, eundem Catholicum Zelotum, publico Carceri per suos milites includi; Post peractam jam Processionem, ne fortè tumultus fieret in Populo etiam Catholico; cui credo parcere volebant; contenti secuturo postridie Collegii, & Scholarum Jesuiticarum excidio. Taceo interea circumstantiam aggravantissimam, quod ille Studiosus ad Asylum Ecclesiæ S. Jacobi confugiens, in ipso Cæmeterio sanguinolentè cæsus, captus, & raptus ad carcerem &c. Taceo inquam, id enim credo, sicut non præscio, ita & inscio Magistratu factum; sed tamen postea dissimulanter probatum; quod si in tempore (ut omnino debuit) Magistratus puniisset, certò ad tantum tumultum, causam non dedisset; quem eo ipso, & ex plurimis aliis, ut infra, rationibus, in mente optativa, vel saltem non averfativa, habuisse videtur. Imò etiam die sequenti, idem Magistratus, ad æquissimam, Legatorum à Studiosis missorum, requisitionem, & quidem aliquoties iteratam, non solum ad debitam inquisitionem, & (si opus foret) satisfactionem, legatimæ Jesuiticæ Potestati non extradidit; sed etiam alium adhuc innocentem, ex illis ipsis legatis unum, contra Jura Gentium, eidem Carceri inclusit. Quasi studiosè irritando Jesuiticos studiosos, ad novam impatientiam, optatæque commotionis plebis, ansam, cum primam non successisse, nec adhuc fortè ad malum præmeditatum maturuisse, viderent. Et hæc duo, hoc est, *Distinctam duorum Studiosorum Jesuiticorum, sine ullo, ad quos de jure, & jurisdictione, Jesuitas recursu, incarcerationem publicam, fatetur quoad substantiam, etiam in Scripto publico, Magistratus; licet illam miris, & falsis modis extenuet.* Quæ tamen etiam ipsæ extenuationes, nihil penitus Jesuitas ipsos, multoque minus Rectorem ipsum concernunt, etiam fatente Parte adversa; sed solos Studiosos, de quibus infra, ubi Partes secundariæ, scilicet Cives, Populusque cum Studiosis, confrontabuntur. Interea, ostendat, si potest, nobilis Magistratus, vel unicum etiam, ex ultima (ut ita dicam) face Populi, suæ jurisdictionis homuncionem, quem Jesuitæ, motu proprio & jussu, independentem à Magistratu, (etiam tunc, cum omnia possent, Polono & Catholico Exercitu aliquoties urbem deoccupante) incarcerarint; etiam mille datis sibi, suisque catholicis vel studiosis, in ante & nunc, occasionibus. Imò semper in summis, nunc Ingratissimæ Civitatis angustiis, unicum erat Asylum, etiam ipsorum Consul, Civiumque, Collegium, & interpositio Jesuitarum. Quod si inclusionem sui Lutherani Gymnasistæ, præcise in Schola, non in carcere, à Studiosis Jesuiticis factam, prætendat Magistratus. Inprimis; quidquid sit de retaliativa Captivationis, Juris æquitatem (de quo infra, in comparatione Partium secundariarum, Civium scilicet, Populi que, cum Studiosis) plus quàm certum est, illam etiam captivationem, sine scitu, nedum imperio Rectoris Jesuitici factam. Sicut facta est, & prius, & plurium Studiosorum Catholicorum, jussu Magistratus, incarcerationio. Quod si tandem hanc Gymnasistæ Captivationem, sicut & alias, etiam olim à Studiosis Catholicis, (quod unicè in suo rescripto exaggerat) illatas Lutheranis, vel prætenfas quascunque injurias; Magistratus devolvat in ipsos Jesuitas, ratione incontinentiæ sibi subjeutorum; Viderit Magistratus, an non potiori millies ratione, in illos ipsos retorquebitur argumentum à Jesuitis! dicent enim evidentissimè: si Jesuitæ Rei sumus, quarumcunque à Studiosis nostræ jurisdictioni subjectis, injuriarum Lutheranis illatarum, ratione incontinentiæ. Ergo à millies majori, Magistratus, & maxime Præses, rei sunt omnium exorbitantiarum Plebis, & Civium, Catholicis & Jesuitis & Superis, quandocunque & potissimum vel nunc illatarum. Tum quia hæc sunt millies plures, & centies, quin infinities majores; quàm illatæ unquam à Studiosis Jesuiticis; uti & infra patebit. Tum quia; nulla unquam, etiam minima, etiam solum retaliativa, etiam purè prætenfa violentia, facta est à Studiosis Jesuiticis, cum scitu, nedum cum positivo permisso, nedum etiam jussu Rectoris Jesuitici. Sicut (præter alia antiquiora) in hac ipsa causa, facta est incarcerationio duorum Studiosorum Jesuiticorum, jussu expresso Magistratus, ut fatentur publicæ illorum literæ. Tum quia longè facilius est Magistratui, continere cives, plebemque, utcunque maturiorem, imperii que capaciorem, quàm Jesuitis Studiosos, præsertim Pueros, tam genere plerumque nobiles, quàm libertate innata, & ætate mobiles; tam faciles corripere, quàm difficiles corrigi; tamque pronos flecti, quàm cereos iterum in idem vitium reflecti. A quibus tamen Studiosis minoribus, passim frequentiores oriri fatemur, non tam injurias, quàm pueriles insolentias. Tum quia Magistratus, regit suos in virga ferrea, & in ore, jureque etiam gladii; Secus Jesuitæ Studiosos, parvos quidem, solo, ut olim Christus, flagello; majores verò, ultimo à Scholis, non tamen exterminio. Tum quia Jesuitæ multos Studiosos, etiam hoc ipso anno, gravis-

simis plagis punierunt, etiam pueriles alias insolentias contra Lutheranos. Imò aliquos, nec paucos natu majores, etiam ultimam penam exterminativam, seu publice ex Scholis, totius Polonae Societatis exclusivam, affecerunt, ad aliorum terrorem. Jam ostendat Magistratus Thorunensis, vel unicellum & de Plebe infimum: atque etiam in hac ipsa, tam evidenti, tamque publica, ac enormi Collegii Jesuitici depradatione & desolatione, (quam ultro fatetur in scripto, sed & solem negare nequit) Quem publicam aliquam penam, nedum exilio perpetuo mulctarit, pro injuria, Catholicis illata &c. Dicunt quidem in eodem suo Scripto: *Desolationem Collegii & Conclavium, cum mobilibus ibi reconditis, factam: Ignem item in platea à plebe accensum: Sed mere ex variis lignis, in tumultu concisis &c. Quod vero etiam Imagines &c. Plebs comburere praesumpserit, nullibi haecenus, ex instituta à nobili Magistratu Inquisitione, innotuit &c.* Sed ex hoc ipso ore tuo, Te judico Domine Magistratus. Imo. Ergo saltem pro desolatione Collegii, effractione conclavium, depradatione reconditorum &c. incarcerandi & puniendi erant invasores! an non enim hoc etiam unicum, Religiosae Domus publice violentum excidium, scelus est non una morte piandum? 2do. Sed enim vos Domini; & hoc dissimulastis, ne forte & vos implicaretis in confessatis: & insuper, millies adhuc majori, nec minus ad Sacrilegos ignes evidenti Latrocinio, vestro non deestis, excusatorio Plebis Patrocinio; non sine justa simili suspitione. Quanquam credibile est, vos non sperasse, usque ac crassissimo sacrilegio, non defenderetis, emendicatis coloribus. Quis enim, vel micam rationis habens, de vestra id supponere ausit judiciaria prudentia, quasi hoc nesciretis, nec videretis? (Sitamen oculos alias perspicaces, modice aperire velleris) Qui fieri potuerit? ut Altaria, etiam hoc ipso anno, quaedam à vestris artificibus, in Capellis Jesuiticis erecta, & sacrae statuae elaboratae, omniumque oculis & reverentiae haecenus prostantes, plurimaeque SS. Imagines, undique dependentes, ut inquam, unicam illam nocte disparuerint, vel terrae dehiscente absorpta sint; relictis solum Altarium, Imaginum, ac Statuarum fragmentis, vel globis trajectis, vel ense confosis, vel ferro resectis vel denique igne semivivis sacris, immanissimi Sacrilegii reliquiis, ceu inauditi haecenus prodigii, an monstri, testibus? Jam nunc cum Daniele, quin & cum Barbaro Persarum Rege, quaro? à quo haec sunt vestigia facta relictas? praesertim in suppositis cineri dolo, semivivis reliquiis? Annon sole est elarius; etiam caeco imperu furenti Plebi, intervalli aliquid lucidi scintillasse, putasseque; (licet erroneè,) posse scelus plenè in cinere sepeliri; ideoque omnino voluisse, omnia omnino sacrilegii indicia (quanquam secus accidit) usque ad novissimum fragmentum, flammis abolere. Ceterum, licet etiam id DEUS T. M. permisisset; Non eo ipso tamen, sacrilegium latuisset, aut à nobili Magistratu tegi poruisset, nedum protegi debuisset. Nam etiam tunc, tam certum esset, Aras integerrimas inibi antea fuisse, quam nunc omnibus est evidens, nihil ex illis, nisi fragmenta & cineres superesse. Ideoque aequè excusatio Plebis, atque accusatio Jesuitarum, à Magistratu haecenus instituta; utrumque Argumentum tam prorsus est innane, quam crimen Populi palam iminane. Unde necessitate & conscientia adactus, hoc unicum iam ipsis per se Jesuitis, crimen, in suis ad Senatores Prussiae literis imponit idem Magistratus; fateturque maximam tumultus Populi causam fuisse; *Quod R. R. P. P. Jesuita miris modis & artibus, famulos, filiosque civium, ad fidem Romano-Catholicam passim pertraherent; adeo, ut Praedicantes, timentes maxime non pusillo Gregi filiorum, filiarumque suarum, passim (ut olim Pharisei) quererentur: Quid facimus? si dimittimus omnes sic: venient Romani, & tollent Gentem nostram & locum.* Interim, fodere non valeamus, mendicare erubescimus! et super haec omnia, sine Fæminis vivere non possumus &c. Sed enim Jesuitae, hoc unum crimen causamque tumultus, ultro fatentur, quin & gloriantur & exultant in rebus piissimis, dicuntque audenter, cum suo S. Petro: *Si justum est, in conspectu DEI, vos potius audire quam DEUM? judicate!* Et certe, si licuit Lutheri Apostatae perjurio, Parentes, Avosque vestros, ab antiqua Catholica Patrum Proavorumque fide avocare, & permissione prorunc omnis licentiae, seducere; cur Jesuitis non liceat, Filios vestros (ò utinam & vos ipsos) ad eandem S. Catholicam & Apostolicam antiquam fidem Patrum Proavorumque suorum & vestrorum, revocare, & reducere? non utique promissione similis insolentiae, sed suavi, ex verbo DEI purissimo, conservandae à puero innocentiae persuasione: Quae utique quanto minus adhuc habet de corpore, tanto plus est capax recipere de spiritu. Ideoque & ipse IESUS ait: *Sinite Parvulos venire ad me!* Tandem; cum nihil omnino, contra Rectorem, seu Collegii Praesidem, Principalesque Jesuitas, Magistratus etiam fingere possit utique; probabiliter; non ausus quidem in scripto, sed tamen mussitat in angulo, Magistrum quendam minorum classium, suggessisse Studiosis, ut Gymnasistam Lutheranum captivarent. Sed 1mo. Hoc tam futiliter dicitur, quam nulliter probatur. Sed 2do. Etiam dato hoc, non concessio; Nunquid unus Magister Juvenis, est Magistratus Jesuiticus, nedum Praeses & Rector, & ordinis Magister? Sed 3tio. Si Juvenis Magister, Reus, quod suggesserit captivandum unum Gymnasistam; Magistratus innocens erit candela extincta? qui & prius, & plures, & directe, iussit incarcerari Catholicos Studiosos? Sed 4to. Tandem, si constaret atque certo, à Jesuita iussum captivari Gymnasistam: quanquam id demum retaliativè & ferè defensivè factum fuisset; tamen Is, puniretur exilio, ex Societate universa; dummodo pariter Magistratus puniatur exilio ex urbe & orbe Polono. Licet hic, deberet omnimode & Ratione, longè adhuc graviori puniri, quam Juvenis & privatus Magister; utpote Magistratus, & aetate Senior ac maturior, & Iurisdictione potior, & potestate fortior, & captivationis iussione innegabilior, & tempore similis captivationis prior, & numero inclusorum Superior, & carcere longè asperior &c. Ex his tandem omnibus, utriusque Partis Principalis Reatum, comparare licet. Scilicet ex una parte Magistratus; praeter plurima, dominantem Religionem veteri, moribusque Patrum antiquissimis, ac legibus Catholicis, ante ducentos annos severissimis; nunc contrariissima novella Lutherana statuta: Item praeter quotidianas Catholicorum, maxime Pauperum, oppressiones; nec solum à Magistratu, sed etiam à minimis officiis, in contuberniis artificum, & confraternitatibus, exclusiones; Praeter frequentissimas, etiam hoc ipso seditionis tempore durante, Eorundem Catholicorum, merè quaesito praetextu, Incarcerationes; adeo, ut nec flere super Divorum cineres, nec querulari, nedum protestari, liceat Catholicis; cum omnia, maxime hoc ipso tempore liceant Protestantibus, & in rebus pessimis exultantibus, & per hoc ipsum, ad majores olim ausus, seditionesque; quasi de industria animatis &c. Praeter inquam haec omnia aliaque; quam plurima; Immediatus & innegabilis est Reatus, partis unius Principalis seu Magistratus. Imo. ante tumultum Inclusio duorum Catholicorum Studiosorum, motu & imperio proprio Magistratus facta, sine ulla Iurisdictione


onis legitimæ Iesuiticæ requisitione. 2do. In tumultu, Dissimulatio ab initio, imò positiva assistentia tumultuanti Plebi, per militem Civitatem, sine ulla etiam minima resistantia: si enim (ut ipsimet in scripto fatentur) per valde paucos milites Regiõs, tumultus in medio æstu, sine sanguine Plebis, est restinctus: an non millies facilius poterat impediri, nondum adultus, si principiis obstare, anire, super Authores inquisitio, nullo interea capto, nullo incarcerato, nedum tormentis, quæstioni; busque, subiecto. &c. Imò quibusdam innocuis Catholicis, studiosè postea quæsito colore, incarcerationa, Iesuitis *Imum* Crimen imponitur: Quod aliquoties sub invasionem Militum Polonorum, Confulibus, Civibusque Asylum in suo Collegio præbuerint. Quod inibi fugitivos protexerint; Quod Patrocinii, instantiis, Civitatem ab Excidio servarint, & hætenus Summis suis conservent. &c. 3do. Simile huic scelus est: Quod famulos, filiosque quorundam Civium Lutheranorum, Catholicæ fidei lumine illustrarint, eisque honestam subsistentiam in futurum providerint. Ex quo evidens eum Filiis, ad corda Patrum & Proavorum antiquorum Catholicorum &c. 3tium tandem, & quidem prophetice præfago spiritu, furore percita Plebs, antecedaneè meritò vindicavit; Crimen inquam, quod Ipsi etiam quidam (si tanto Nomine digni, sique Diis placent?) Catholici, crudeli, non super Catholicos suos, Divosque vulneribus concisos, *semivivosque relictos*; sed super ipsos *Latrones*, *misericordiâ moti*, Iesuitis miseris imponere sunt conati; Quod scilicet Invasores illos tumultuarios, *Canaliam*, ut ajunt, in suis Literis vocarint: quodque illos, vero quidem, acriori tamen subinde stylo, perstrinxerint; & super omnia; quod sacrilego illo, per Regnum totum diffusio fumo, compassionem debitam, atque etiam lacrymas, ferventioribus Catholicis & Magnatibus elicuerint &c. Uno verbo: quod Iesuitæ, integerrima fide, totam tragadiam descripserint, quam Thorunenses perfidè fecerunt. Quasi verò æquum & æquale, nedum etiam majus peccatum sit, aliena scelera purè describere, ac propria perpetrare! Et quasi tolerabilius sit, Prædonem Canaliamve esse, quàm dici. Quasi item, acutior sit stylus Calami Iesuitici, quàm enses, *secures* & *ascie* Thorunenses, quibus *Altaria Tua Domine dejecerunt*; Imagines transfixerunt &c. Quanquam Thorunenses, quasi Cæsares ex utroq; & talia, ac tanta fecerunt, & non dissimilia dixerunt, imò in publicis plateis *MARIAM mulierculam*, Imagines *idola*, conclamârunt, & ceu talia concremârunt: & Insuper postridie, (quasi deliberatius) *Jesuitas*, *Impios*, *Ejavit*; Catholicos omnes, Barbaros *Idolos*, affixo ad Valvas publicas Pasquillo, proscripserunt. Fatemur tamen ingenuè, hos Discipulos Martini, nondum Magistrum suum, procacissimâ & planè plaustrali in Cælum, Terramq; blasphemii oris & calami licentiâ ac lasciviâ, æquasse, nedum superasse. Et tamen pro stupor! pro pudor! pro dolor! nonnulli (licet D.G. non omnes) scilicet Catholici! at falsi Fratres, odio in Spirituales, Majores utiq; Fratres, imò & Patres suos, excæcati, *festucam in oculis* Eorum, subinde vident, & *trabem in Extraneis* & Hæreticis non vident: *culicem ibi excolantes*, *Camelum hic glutientes*. Urinam saltem Homines isti, aut frigidi essent, & aperti Hæretici, aut calidi, & veri Catholici! sed quia *repidi sunt*, viderint, ne tandem & ipsi, à DEO evomantur! At enim? an non prudentiores hac in parte sunt filii tenebrarum, filiis lucis? Qui præsertim honestiores, ut invidiam facti evidentissimi, à se suâq; Secta amoliantur, rem totam, quasi in trivialem canalem, in suorum Canaliam refundunt, vehementerque illis succensent, dirisque ac mille mortibus devovent; quod nimis clarè ad Ignem sacrilegos, suæ fidei, erga Matrem D E I, Divosque, affectum prodiderint. Et id quidem tantò prudentius faciunt, moderatiores Acatholici, quantò imprudentius (& utinam non malitiosius!) tanta facinora, importuni Patroni, extenuare quasi videntur, quidam Catholici: Rudi enim, sed vero veteri proverbio: Deterior est, qui ignavâ conniventia, (præsertim domesticâ) alienum scelus fovet, quàm qui facit. Hic enim, non solum alienum præteritum, facit de præsentis suum; sed insuper alios, etiam aliàs hætenus innocuos scelerisque puros, ad similia, atque etiam majora audenda, animat, similis spe impunitatis.


Sed jam ad secundarum Partium Reatû; Populi scilicet Thorunensis, & Studiosorum Iesuiticorum, descendamus. Et Imò quidem, ex una Parte, facinus Populi, omni barbarissima atrocitate majus, palam est. Scilicet; *Violenta aggressio*, & *degradatio Scholarum atque Collegii*: & super omnia, *Everfio Altarium*! *Dissectio*, *Confixio*, *Laceratio*, *Conculcatio*, *Combustio Imaginum Sacrarum* &c. Quæ omnia: si Thorunenses negent; Lapidibus in centum & amplius fenestras excussas jacti; Parietes sacris Imaginibus plurimis undequaque pendulis, nudati: Altaria etiam recentè extructa, usque ad novissimum pedum Scabellum, dissecta & diruta; ac tandem semiusta fragmina clamabunt, & porro clamant. Et uno verbo, Res est oculis subiecta fidelibus, quin etiam infidelibus. De solo *Extinctore* (ut ajunt) *candela*, Causaque mali, sub judice lis est. Primò itaque dicunt in scripto Thorunenses; originem mali capisse à Studiosis Iesuiticis, qui olim quandoque *damna in hortis* & *fructibus* faciebant, & *fenestras* (& quidem etiam in *Ædibus sacris*) aliquando excusserunt. Sed maxima & immediata occasio Tumultui data, à Studiofo Catholico, qui *Civium Liberos*, aliosque complures *Juvenes Lutheranos*, *insistis colaphis* adigere præsumpsit, ut *genua flecterent in Processione*. Et iterum post Processionem, nullâ jam datâ causâ, *Idem Studiosus* multos *Cives* & Thorunenses aliosque, *lapidibus* & *verberibus* offendere ausus est. Sicque propter hunc excessum, ab evocatis militibus Civitatis, in recenti est apprehensus. Sed imprimis viderint Dissidentes; Quâ conscientia, suæque Fidei consequentia, profani sui etiam Fani parietes lateresque, sacros, adeoque speciali reverentia dignos: citra idololatriæ periculum, audeant dicere! Cur enim non millies à majori, de Imaginibus, *Ossibusque Ssrum*, quæ Dominus ipse sollicitè custodit, ne vel unum ex ipsis, etiam sepulchrali lapide incultû conteratur! Cur inquâ de his, non saltem idò sentiunt? Viderint deinde, Quomodo unicuique Studiosus, ausus fuisset compluribus Lutheranis, colaphos impingere, aut valuisset genua illis flectere? multoque magis postea, etiam complures Cives, lapidibus ac verberibus impetere? nec à tot compesci potuerit, sine militibus in suppetias evocatis? nisi fortè Samson fuerit super Philistæos? quod ridiculum est! Illud certius; quod ultrò fatentur Catholici; uni solum præ cæteris stultè fastuoso Lutherano, galerum nonnisi depositum à studiofo Catholico, idque per reverentiam antonomastice Venerabilis Sacramenti! sed enim, si zelus hic tanti Sacramenti, scelus est? quantum putas fuit Numine Iesus? cum Philistæi infideles, pro modica irreverentia Arca veteris Testamenti, quod Il-

iam à sinistris Deastri sui *Dagon*, posuissent, ulcere pessimo, & foedisimo punivit! cum item etiam *Bethsamarum* Fidelium, pro magis curioso quam reverenti, ejusdem Arcæ aspectu, septuaginta millia occidisset! cum tandem *Ozam* Sacerdotem, qui licet reverentissimè, parum tamen dignè, Arcam à casu suo stinuisset, morte repentina percussit? Nisi forte Thorunenses putent, & erient, majori reverentia dignum fuisse Moysen, quam Christum; Figuram nudam, & Arcam illam, Mannaque in illa reconditum, quam rem ipsam Sacramentumq; ac Corpus CHRISTI, in novo Testamento? At enim longè prudentius edixit, sapientissimus (utinam & æquè foret Pientissimus!) Rex Brandenburgus: Ut quicumque Processiones, seu Tempia & devotiones Catholicorum, spectare voluerit, id aperto capite, cum reverentia faciat: qui secus fecerit, liberum sit cuivis Catholico, gelerum illi dejicere &c. Imitator utiq; utcunq; Pientissimi Regis Davidis, Qui supradictam Arcam Domini, solennissimâ Processione & musicâ, pedes deduxit; irrisus quidem à Michol uxore, sed hoc ipso muliere stulta, & hodiernorum Hæreticorum Antesignanâ Magistrâ. 2do. dicunt Thorunenses, captum à Studiofis Catholicis Gymnasistam Lutheranum; nec diffitentur Catholici. Sed purè retaliativè, & in Schola honestissimè detentum, post duos Studiosos Jesuiticos, infamissimè incarceratos & cæcos; dimissumq; statim, etiam ante effractas Scholas, nedum Collegium. Quid igitur supererat prætenfæ vindictæ? 3tio. dicunt lapidum imbrem, glandesq; plumbeas ex Scholis & Collegio in populum pluuisse! Sed & hoc tam falso asseritur, quam nulliter probatur; imò contrarium planè est evidens: Tum quia à tam densissimo plumbi, lapidumq; imbre, in vicinam & confertissimam plebem effuso, ne unicum de iis esse læsum, nedum cæsum, miraculo par foret! Tum quia Scholarum tempus, ab aliquot jam horis abierat. Tum quia effractis immediate, impetu Populi, Scholis; ne unicus Studiosus est repertus, ideoque nec captus, nec tactus, à furente aliàs maxime in Studiosos Populo; cujus tunc rabiem, effugere omnes, prorsus erat impossibile; si præsertim (ut fingitur) multi Studiosi intus fuissent. Si autem duo, tresve in Scholis conclusi essent; tantò stultius immànè & armatæ multitudini restitissent, quantò prudentius & facilius, furori se, in tempore, ad latebras subduxissent. Quamquam etiam si, id quod asseritur, perjurio comprobaretur. Nunquid eo ipso, tam pro priori violenta, Scholarum, & maxime insontis inermisque Religiosi Collegii Invasio, tam exili & Puerili Defensione excusaretur? An non enim, communi Gentium, naturæque jure. *Invasor à se ipso occiditur?* nedum utcunq; tenetur, vel interim terretur? His utriusque Partis tum Reatibus, tum Rationibus expensis, non dico Catholicus, non dico Christianus, sed utcunq; rationabiliter prudens & Apathos Lector, An non merito cum S. Iob exclamaret? *Utinam appenderentur peccata Iesuitarum & Studioforum, (nedum SS. Coelitus) quibus iram Thorunensium & Dissidentium meruerunt; & calamitas, quam patiuntur in statera quasi arena maris, hac graviore appareret!*

Ex his itaque hætenus præmissis, ultimò concluditur. 1. Licet olim in Urbe Cracoviensi Metropoli Regni totius, gaudenteque ad 12. in circum milliaria, juribus Nobilitatis, Nobilissimus Teczynski, repentino plebis tumultu, adeoque (sine ulla etiam umbrula Suspicionis), inscio penitus Magistratu, sit occisus: Tamen duo Consules, præter Populi Primipilos, pro Incontinentia Subjectæ sibi Plebis, decreto publico, Capite sunt truncati. 2. Licet Ostrogii, pro faminea fere tantum seditio-
ne, contra Ducissam Hæreditariam, cum solo necis periculo attentata: Tamen pariter, aliquot ex Magi-
stratu Capite plexi; quod tumultum impedire dissimularint. Et Ecclesia seu Cerkiew Schismatica, totius Russiæ pulchritudine, & Magnificentiâ facile Princeps, hætenus stat (quasi perenne Justitiæ
Vindicativæ monumentum) tam turribus erecta, quam protunc clausa, & nunc deserta. 3. Licet
Bransbergæ, pro minoribus longè, Lutherana tunc illius Civitatis, contra Catholicos tumultibus; quos
(ut loquitur Historia vitæ Episcoporum Varmiensium) Bransbergensis Magistratus (prope identicè atq; nunc
Thorunensis) partim negabat partim extenuabat, partim ambagibus involvebat &c. tamen inibi, à Regiis pariter
tunc Commissariis, edicto publico, Lutherana Sectæ exercitiū perpetuò omnibus interdictum, his formalibus
Quamquam ipsa justitia & juris Ratio dicet, ut illa tot tantorumq; delictorum gravitas, Capitali Supplicio, Bonorum con-
fiscatione, Privilegiorum & libertatis amissione puniatur: habito tamen vestra humilitatis benigno intuitu sequentia
ordinamus mandamusq; ut Sacrosanctæ Catholice fidei, & Ceremoniarum Ecclesiasticarum usus, quemadmodum à Ma-
joribus traditum accepimus, ab omnibus, & per omnia in ista Civitate deinceps retineatur &c. Si quis autem, juxta re-
ceptum Catholice Ecclesiæ Ritus, vivere noluerit, intra 14. dies à Civitate migrare, & amplius in eam non reverti
tenebitur: aliter capitis, & Bonorum omnium amissione mulctabitur &c. 4. Licet in Galliis, Hugonoti & omnes
Hæretici, etiam Magnates, pro similibus seditiosis Sacrilegiis, tandem toto Regno pulsati sunt: magno qui-
dem sub initiū damno, majori rebellionis periculo, maximè tamen Ludovici M. deinceps corā Hominibus
gloria, & coram DEO merito, ac Regni tandem usq; nunc etiam emolumento. 5. Licet deniq; etiam
ad Hominem (ut ajunt) argumentando: Ipsi Dissidentes in Anglia, Svecia, Dania, Brandenburgia, ali-
biq; Catholicos Dominos suos antiquos & Hæreditarios, contra Divina Humanaq; Iura, juratamque
fidem; quandoque mere confectis, ad obfuscamam Martyrii gloriam, calumniis oppressos; Quandoque
etiam apertissimo solius Fidei Catholicæ, & maxime Sacerdotum sacrosanctiq; Sacrificii missæ odiò, hor-
rendis excarnificarunt suppliciis; Licet inquam semper & ubiq; Hæretici omnes, maxime tumultibus,
cedibus, expulsionibus Catholicorum, etiam Regum, Dominorumq; antiquorum suorum legitimorum,
orbem impleverint; adeoq; saltem in una Urbe, Relatione, saltem omni minimo minorem, pro tot tantisq;
facinoribus mererentur: Nōs tamen Catholici, memores CHRISTI Filii David & omnis mansuetudinis ejus,
nihil aliud petimus, quam ut convertantur & vivant D. D. Thorunenses! vel saltem, ut antiquissima longè
ante ducentos annos Iura, Privilegia, Subsellia, Bona, Gymnasia, Tempia & alia omnia; Primis adeo-
que melioris fidei, potiorisque juris Possessoribus, restituantur; Hæc enim utique omnia, Solis Catho-
licis concessa fuere, in primo accessu Inclytæ Provinciæ Prussiæ, ad Rempublicam Poloniam; Nec enim
tunc adhuc somniaverat Orbis, de Dissidentibus, Protestantibus, Lutheranis, Calvinis, vel aliis qui,
buscunq; Cum necdum Hi Ipsi nati essent; nedum Apostata, à sua nativâ fide facti. Unde tan-
tū abest ut Jesuitæ, jura, libertatesque Thorunii, nedum Prussæ totius, convulsa velint, ut potius
illa facta testaque optent, & ad primitivum jus suum, cuncta reducta: Maxime verò, non parvam
operam suam offerunt, ingratæ licet hætenus Civitati, ad Juventutem Illius innocuam, in literis
ac moribus antiquis, gratis omnino (non sicut hætenus Illorum Ludimagistri)
instituentam &c! &c! &c!

* * *





Biblioteka Jagiellońska



stdr0025902

